

藿香葉味甘性溫無毒可升可降陽也

開胃口能進飲食止霍亂仍除嘔

川芎味辛性溫無毒升也陽也其用有二上行頭

角助清陽之氣止痛下行血海養新生之血

調經

黃連味苦性寒無毒沉也陰也其用有四瀉心火

消心下痞滿之壯主腸辟除腸中混雜之紅

治目疾暴發宜用療瘡瘍首尾俱同

黃芩味苦平性寒無毒可升可降陰也其用有四

中枯而飄者瀉肺火消痰利氣細實而堅者

瀉大腸火養陰退陽中枯而飄者除風濕留
熱於肌表細實而堅者滋化源退熱於膀胱
大黃味苦性寒無毒其性沉而不浮其用走而不
守奪土鬱而無壅滯定禍亂而致太平名曰
將軍

黃蘗味苦性寒無毒沉也陰也其用有五瀉下焦
隱伏之龍火安上出虛熾之蛇虫臍下痛單
製而能除腎不足生用而能補瘦厥除濕藥
中不可闕

玄明粉味辛甘酸性微溫無毒沉也陰也其用有
二去胃中之實熱蕩腸中之宿垢其妙不可
盡述大抵用此而代益硝也

白朮味甘性溫無毒可升可降陽也其用有四利
水道有除濕之功強脾胃有進食之效佐黃
芩有安胎之能君枳實有消痞之妙

人參味甘性溫無毒升也陽也其用有三止渴生
津液和中益元氣肺寒則可服肺熱還傷肺
黃耆味甘性溫無毒升也陽也其用有四溫分肉
而實腠理益元氣而補三焦內托陰證之瘡
瘍外固表虛之盜汗

甘草味甘平無毒生之則寒炙之則溫生則分身
稍而瀉火炙則健脾胃而和中解百毒而有
效協諸藥而無爭以其甘能緩急故有國老
之稱

半夏味辛平生寒熟溫有毒降也陽也其用有四
除濕化痰涎大和脾胃氣痰厥及頭疼非此
莫能治

陳皮味辛苦性溫無毒可升可降陽中之陰也其
用有二留白者補胃和中去白者消痰泄氣
青皮味苦性寒無毒沉也陰也其用有四破滯氣

愈低而愈效削堅積愈下而愈良引諸藥至
厥陰之分下飲食入太陰之倉

枳殼味苦酸性微寒無毒沉也陰也其用有四消
心下痞塞之痰泄腹中滯塞之氣推胃中隔
宿之食削腹內連年之積

枳實味苦酸性微寒無毒沉也陰也其用有四消
胃中之虛痞逐心下之停水化日久之稠痰
削年深之堅積

桔梗味苦辛性微溫有小毒升也陰中之陽也其
用有四止咽痛無除鼻塞利膈氣仍治肺癰

一為諸藥之舟楫一為肺部之引經

知母味苦性寒無毒沉也陰中之陰也其用有四
瀉無根之腎火療有汗之骨蒸止虛勞之陽
勝滋化源之陰生

藁本味苦辛性微溫無毒升也陰中之陽也其用
有二大寒氣客於巨陽之經苦頭痛流於巔
頂之上非此味不除

生地黃味甘苦性寒無毒沉也陰也其用有四涼
心火之血熱瀉脾土之濕熱止鼻中之衄熱
除五心之煩熱

熟地黃味甘苦性溫無毒沉也陰也其用有四活
血氣封填骨髓滋腎水補益真陰傷寒後脛
股最痛新產後臍腹難禁

五味子味酸性溫無毒降也陰也其用有四滋腎
經不足之水收肺氣耗散之金除煩熱生津
止渴補虛勞益氣強陰

川烏味辛性熱有毒浮也陽中之陽也其用有二
散諸風之寒邪破諸積之冷痛

白芍藥味酸平性寒有小毒可升可降陰也其用
有四扶陽氣大除腹痛收陰氣陡健脾經墮

其胎能逐其血損其肝能緩其中

白茯苓味甘淡性溫無毒降也陽中之陰也其用有六利竅而除濕益氣而和中小便多而能止大便結而能通心驚悸而能保津液少而能生白者入壬癸赤者入丙丁

澤瀉味甘鹹性寒無毒降也陽中之陰也其用有四去胞垢而生新水退陰汗而止虛煩主小便淋澀仙藥療水病濕腫靈丹

薄荷葉味辛性涼無毒升也陽也其用有二清利六陽之會首祛除諸熱之風邪

麻黃味苦甘性溫無毒升也陰中之陽也其用有二其形中空散寒邪而發表其節中閉止盜汗而固虛

厚朴味苦辛性溫無毒可升可降陰中之陽也其用有二苦能下氣去實滿而消痰洩脹溫能益氣除濕滿而散結調中

杏仁味苦甘性溫有毒可升可降陰中之陽也其用有二利育中氣逆而喘促潤大腸氣秘而難便

巴豆味辛性熱有大毒浮也陽中之陽也其用有

二削堅積蕩藏腑之沉寒通閉塞利水穀之
道路斬關奪門之將不可輕用

黑附子味辛性熱有大毒浮也陽中之陽也其性
浮而不沉其用走而不息除六腑之沉寒補
三陽之厥逆

蒼朮氣味主治與白朮同補中除濕力不及白寬
中發汗功過於白

秦艽味苦辛平性微溫無毒可升可降陰中之陽
也其用有二除四肢風濕若懈療遍體黃疸
如金

白僵蠶味鹹辛平性微溫無毒升也陰中之陰也
其用有二去皮膚風動如虫行主面部黥生
如漆點

白芷蔻味辛性溫無毒升也陽也其用有四破肺
中滯氣退目中雲氣散腎中冷氣補上焦元
氣

地榆味苦甘酸性微寒無毒沉也陰也其用有二
主下部積熱之血痢止下焦不禁之月經
連翹味苦平性微寒無毒升也陰也其用有二瀉
諸經之客熱散諸腫之瘡瘍

阿膠味甘平性微溫無毒降也陽也其用有四保肺益金之氣止嗽蠲咳之膿補虛安妊之胎治痿強骨之力

桃仁味苦甘平性寒無毒降也陰也其用有二潤大腸血秘之便難破大腸久蓄之血結

生薑味辛性溫無毒升也陽也其用有四製半夏有解毒之功佐大棗有厚腸之益溫經散表邪之風益氣止翻胃之噦

石膏味辛甘性大寒無毒沉也陰也其用有二制火邪清肺氣仲景有白虎之名除胃熱奪其

食易老云大寒之劑

桂味辛性熱有毒浮也陽中之陽也氣之薄者桂枝也氣之厚者肉桂也氣薄則發泄桂枝上行而發表氣厚則發熱肉桂下行而補腎此天地親上親下之道也

細辛味辛性溫無毒升也陽也其用有二止少陰合病之首痛散三陽數變之風邪

梔子味苦性大寒無毒沉也陰也其用有三療心中懊懣顛倒而不得眠治臍下血滯小便而不得利易老云輕飄而象肺色赤而象火又

能瀉肺中之火

葛根味甘平性寒無毒可升可降陽中之陰也其
用有四發傷寒之表邪止胃虛之消渴解中
酒之苛毒治往來之溫瘧

瓜蒌根味苦性寒無毒沉也陰也其用有二止渴
退煩熱補虛通月經

猪苓味淡甘平性溫無毒降也陽中之陰也其用
有二除濕腫體用兼備利小水氣味俱長

乾薑生則味辛炮則味苦可升可降陽也其用有
二生則逐寒邪而發表炮則除胃冷而溫中

革龍膽味苦性寒無毒沉也陰也其用有二退肝
經之邪熱除下焦之濕腫

蘇木味甘鹹平性寒無毒可升可降陰也其用有
二破瘡瘍死血非此無功除產後敗血有此
立驗

杜仲味辛甘平性溫無毒降也陽也其用有二強
志壯筋骨滋腎止腰疼酥灸去其絲功效如
神應

天門冬味苦平性大寒無毒升也陰也其用有二
保肺氣不被熱擾定喘促陡得康寧

麥門冬味甘平性寒無毒降也陽中之陰也其用
有四退肺中隱伏之火生肺中不足之金止
燥渴陰得其養補虛勞熱不能侵

木通味甘平性寒無毒降也陽中之陰也其用有
二瀉小腸火積而不散利小便熱閉而不通
瀉小腸火無他藥可比利小便閉與琥珀同

功

地骨皮味苦平性寒無毒升也陰也其用有二療
在表無定之風邪主傳屍有汗之骨蒸

桑白皮味甘性寒無毒可升可降陽中之陰也其

用有二益元氣不足而補虛瀉肺氣有餘而
止咳

甘菊味苦甘平性微寒無毒可升可降陰中之陽
也其用有二散八風上注之頭眩止兩目欲
脫之淚出

紅花味辛性溫無毒陽也其用有四逐腹中惡血
而補血虛之虛除產後敗血而止血暈之暈
赤石脂味甘酸性溫無毒降也陽中之陰也其用
有二固腸胃有收斂之能下胎衣無推蕩之
峻

通草味甘平性微寒無毒降也陽中之陰也其用有二陰竅澀而不利水腫閉而不行澀閉兩俱立驗因有通草之名

烏梅味酸平性溫無毒可升可降陰也其用有二收肺氣除煩止渴主泄痢調胃和中

川椒味辛性大熱有毒浮也陽中之陽也其用有二用之於上退兩目之翳膜用之於下除六腑之沉寒

萋菴味甘平性溫無毒降也陽中之陰也其用有四風淫四末不用淚出兩目皆爛男子濕注

腰疼女子面班黑點

秦皮味苦性寒無毒升也陽也其用有四風寒濕合而成痺青白翳幻遮睛女子崩中帶下小兒風熱癩驚驚

白頭翁味苦性溫無毒可升可降陰中之陽也其用有四傳男子陰疝偏腫治小兒頭禿羶腥鼻衄血無此不效痢赤毒有此復功

牡礪味鹹平性寒無毒可升可降陰也其用有四男子夢寐遺精女子赤白崩中榮衛往來虛熱便滑大小腸同

乾漆味辛平性溫有毒降也陽中之陰也其用有二
二削年深堅結之沉積破日久秘結之瘀血
南星味苦辛性溫有毒可升可降陰中之陽也其
用有二墜中風不省之痰涎主破傷如屍之
身強

商陸味酸辛平性寒有毒降也陽中之陰也其味
酸辛其形類人其用療水其效如神

葶藶味苦性寒無毒沉也陰中之陰也其用有四
除遍身之浮腫逐膀胱之留熱定肺氣之喘
促療積飲之痰厥

海藻味鹹性寒無毒沉也陰中之陰也其用有二
利水道通閉結之便泄水氣消遍身之腫
竹葉味辛苦平性寒無毒可升可降陽中之陰也
其用有二除新舊風邪之煩熱止喘促氣勝
之上衝

葱白味辛性溫無毒升也陽也其用有二散傷風
陽明頭痛之邪止傷寒陽明下痢之苦

天麻味辛平性溫無毒降也陽也其用有四療大
人風熱頭眩治小兒風癇驚悸祛諸風麻痺
不仁主癱瘓語言不遂

大棗味甘平性溫無毒降也陽也其用有二助脈
強神大和脾胃

葳靈仙味苦性溫無毒可升可降陰中之陽也其
用有四推腹中新舊之滯消膏中痰唾之痞
散奇癢皮膚之風利冷疼腰膝之氣

鼠黏子味辛平性微寒無毒降也陽也其用有四
主風濕應癰盈肌退風熱咽喉不利散諸裡
瘡瘍之毒利凝滯腰膝之氣

草豆蔻味辛性溫無毒浮也陽也其用有二去脾
胃積滯之寒邪止心腹新舊之疼痛

玄胡索味苦辛性溫無毒可升可降陰中之陽也
其用有二活精血療產後之疾調月水生胎
前之證

東垣報使

太陽 羌活 黃蘗

陽明 白芷 升麻 石膏


少陽 柴胡 青皮

太陰 白芍藥

少陰 知母

厥陰 青皮 柴胡

十八劑



小腸膀胱屬太陽

藁本羌活是本方

三焦膽與肝包絡

少陽厥陰柴胡強

陽明大腸無足胃

葛根白芷升麻當

太陰肺脉中焦起

白芷升麻葱白鄉

脾經少與肺經異

升麻芍藥白者詳

少陰心經獨活主

腎經獨活加桂良

通經用此藥為使

更有何病到膏肓

輕劑通聖散

治風熱鬱結憎寒發熱筋脉攣痺肢體焦痿頭目昏眩耳鳴鼻塞口苦舌乾咽喉不利涕唾稠粘咳嗽上氣腸胃燥澁便血瘀血瘡瘍腫痛痰瘕不痊婦人產後血滯腹痛小兒驚風積熱并墜馬跌仆疼痛或傷寒傷風等證並皆治之

防風

芒硝

連翹

川芎

麻黃

薄荷

白芍藥

當歸

大黃各五錢

黃芩

桔梗

石膏各兩

甘草二兩

荆芥

山梔

白朮各錢

滑石三兩

右吹咀每服一兩重或二兩重水二盞生姜三片同煎七分去粗溫服不拘時候如發散風寒加葱白三莖如治痰嗽每服加半夏少許

清劑涼膈散

治心火上盛膈熱有餘目赤頭眩口瘡唇裂鼻衄吐血欬嗽痰涎淋瀝不利大小便不通或傷寒半表半裏及胃熱發斑及陰耗陽竭用以養陰退陽或汗下後餘熱不解并小兒瘡痘黑陷並皆治之

連翹二兩

甘草

山梔

黃芩

大黃

薄荷各五錢 朴硝分

右為呔咀每服一兩水一鍾竹葉三十片同煎七分去粗入生蜜少許食後溫服加黃連五錢名清心湯

暑劑白虎湯

治傷寒陽明經頭痛自干不惡寒或中暑頭痛自汗背惡寒及小兒痘瘡夏月極熱熱生喘促宜預服之

知母二兩

石膏末四兩 甘草兩

粳米石

右為呔咀每服一兩水一鍾煎至七分去粗溫服

不拘時候或傷寒脉浮自汗表不解每服加蒼木一撮名蒼木白虎湯

火劑解毒湯

治傷寒大熱狂躁喘滿譫語日赤及陽厥極深脉微身冷與濕熱下痢並宜服之

黃連

黃栢

黃芩

山梔各等分

右為呔咀每服一兩水一鍾煎至七分去粗溫服不拘時候或傷寒腹滿嘔逆加半夏白茯苓厚朴各少許名半夏黃連解毒湯又名既濟湯

解劑小柴胡湯

治傷寒往來寒熱脅脅痞痛口苦舌乾耳聾乾嘔
或汗後餘熱不解及婦人產後潮熱並皆治之

柴胡二兩

黃芩二兩

人參五錢

甘草五錢

半夏三分

右為呔咀每服一兩水二盞生姜三片棗二枚同
煎至七分去粗溫服不拘時候

甘劑五苓散

治傷寒脉浮表不解小便不利身微熱或痞而下
利或痞而淋瀝及一切濕熱泄瀉霍亂並宜服之

澤瀉

猪苓

白朮

白茯苓各五錢

官桂一分

右為呔咀每服一兩水二盞煎至七分去粗溫服
或為細末白湯調服亦可

淡劑天水散

治傷寒表裏俱熱煩渴口乾小便不通及霍亂吐
瀉下利腸澼偏主石淋及婦人產難催生下乳神
仙之妙藥也

桂府滑石

膩白者兩

粉草

兩研爛

右為極細末每服三錢白湯調下新水亦得未加
薄荷末少許名雞蘇散加青黛末少許名若玉散

治療並同但以回避世俗之輕侮爾

緩劑大柴胡湯

治傷寒表裏俱熱甚陽明經少陰經證微下之藥也

柴胡

大黃各兩

枳實

半夏製

赤芍藥

黃芩各錢

右為呔咀每服一兩半水二盞生姜三片棗二枚煎至七分去粗溫服不拘時候

寒劑大承氣湯

治傷寒裏證悉具或在妄腹滿實痛燥糞不通急

下之劑也

大黃

芒硝各兩

枳實

厚朴

各錢半

右為呔咀分作二服水二盞生姜五片煎至七分去粗入芒硝再煎一二沸溫服不拘時候未利再服次劑

調劑調胃承氣湯

治傷寒陽明經裏熱甚譫語或協熱下利此緩下之劑也

大黃

芒硝

甘草各三錢

右為呔咀水一鍾煎至七分去粗溫服不拘時候

奪劑加減三黃丸

治積熱風熱燥熱酒毒熱瘡疾熱瘡疥熱此藥推
陳致新宣通氣血

大黃

黃芩各二兩

黑牽牛

取頭末滑石各四兩

黃連

川芎

薄荷各半兩

右先碾牽牛為末別碾餘藥同和勻滴水為丸或
煉蜜為丸如桐子大每服三十丸溫水下食後或
臨臥服

濕劑三花神祐丸

治濕熱腫滿腹脹燥熱腸垢不通風熱瘡疥不

或久瘡或癥瘕或下利或疝氣並皆治之

甘遂

麩裹漿水煮

芫花

醋拌炒

大戟各五錢

黑牽牛取頭末

大黃

各二兩

右除牽牛外別碾餘藥和勻滴水為丸每服二十
丸溫水下臨臥服

補劑防風當歸飲

治心火上盛腎水下虛往來寒熱怯弱不耐飲食
減少

柴胡

黃芩

人參

甘草

當歸

白芍藥

大黃

各兩滑石二兩

右為呔咀每服一兩水二盞生姜三片同煎七分去粗溫服不拘時候

平劑四君子湯

治虛人氣弱飲食不進嬰兒弱其胃氣吐乳

人參

白朮

白茯苓

甘草各半兩

右為呔咀每服一兩水一盞半煎七分去粗溫服不拘時候或為細末白湯調服亦妙加藿香扁豆尤佳

榮劑四物湯

治婦人經水不調或來多而在月前或來少而在

月後或胎前孕動不安或產後腹痛不止此婦人之仙藥也

當歸

白芍藥

川芎

熟地黃各等分

右為呔咀每服一兩水一盞煎七分去粗食前空心溫服一曰春二曰頭痛三曰脉弦加川芎一倍一曰夏二曰腹痛三曰脉洪加白芍藥一倍一曰秋二曰血少三曰脉瀦加當歸一倍一曰冬二曰少精三曰脉微加熟地黃一倍

澀劑胃風湯一名燥劑

治風寒入胃腸鳴腹痛泄瀉不止

人參

白朮

白茯苓

當歸

白芍藥

川芎

各等分 官桂

右為呔咀每服一兩水一鍾入粟米一撮生姜三片棗二枚同煎七分去粗空心或食前溫服和劑平胃散

治飲食失節饑飽失時四肢困倦口吐酸水嘔逆惡心面黃肌瘦

蒼朮

二兩米泔浸宿

厚朴

姜制

陳皮

甘草

各兩

右為呔咀每服一兩水二鍾生姜三片棗二枚同煎七分去粗溫服不拘時候

溫劑理中湯

治因冷過多胃脘當心而痛泄瀉清穀

人參

白朮

乾姜炮

甘草

各等分

右為呔咀每服一兩水一鍾煎七分去粗溫服不拘時候

雙解散

治傷寒傷風或有汗或無汗表證悉具內熱口乾

通聖

天水各半

右為呔咀每服二兩水二大鍾生姜三片葱白三根同煎七分去粗微熱服以取其汗

補中益氣湯

治饑飽勞役四肢無力百節酸疼身熱頭痛口淡失味

黃耆 人參 甘草炙 當歸

白芍藥 升麻 柴胡 橘皮

黃芩 葛根 黃栢 白朮

青皮 生甘草稍各等分

右為呔咀每服一兩半水二盞生姜三片棗二枚同煎七分去粗溫服以取微汗一承氣湯

治傷寒大承氣湯證腹滿實痛調胃承氣證譫語下利小承氣湯證內熱不便三乙承氣湯合而為一也及治中風僵仆風癇發作並皆服之此下劑也

大黃 芒硝各兩 厚朴 枳實二兩

甘草 五錢

右呔咀分作三服每服水二盞生姜三片同煎七分去粗溫服不拘時候以利為度

半夏橘皮湯

治一切嘔吐不止

人參 白朮 白茯苓 甘草

黃芩 半夏 厚朴 藿香葉

葛根 橘皮各等分

右為吐咀每服一兩水一碗煎七分去粗入生姜自然汁少許溫服不拘時候

白朮調中湯

治傷寒冷物過多以致陰盛陽衰上下所出水液澄徹清冷手足厥逆心腹皆痛

澤瀉 白茯苓 白朮各兩 乾姜炮

官桂 砂仁 陳皮 藿香葉

甘草 各半兩

右為吐咀每服一兩半水二盞煎七分去粗溫服不拘時候或為細末白湯調服亦可若煉蜜為丸如彈子大細嚼用白湯下名白朮調中丸

香薷湯

治中暑身熱自汗頭痛惡心

香薷兩 厚朴 白扁豆各五錢 黃連二錢五分

右為吐咀水一鍾入酒少許同煎七分去粗冷服不拘時候

茵陳蒿湯

治傷寒濕熱發黃身如橘皮色大小便不利

茵陳蒿兩 大黃五錢 山梔子二錢半

右為呔咀作一服水二大盞煎七分去粗溫服以
利為度

桃仁承氣湯

治傷寒瘀血大便黑小便利小腹脹滿

大黃 芒硝 甘草各錢 當歸尾

桃仁各錢

右為呔咀作一服水一鍾煎七分去粗溫服以血
下為度

當歸玉燭散

治婦人經水熱結不通

當歸 赤芍藥 川芎 生地黃各五錢

大黃 芒硝 甘草各兩

右為呔咀每服一兩半水二鍾先煎餘藥次下芒
硝再煎一二沸空心熱服

木香導氣丸

治心火上盛腎水下虛氣血壅滯肢體憔悴面色
痿黃胃膈痞悶婦人經候不調小兒疳疾乳癖並
宜服之

木香

檳榔

青皮

廣茂

黃連各錢

黃栢兩半

香附三兩

枳殼兩

黑牽牛頭取

右為細末滴水為丸如桐子大每服五十九溫水

下不拘時候

柴胡飲子

治傷寒後餘熱及婦人產後蒸熱男子骨蒸潮熱並宜服之

柴胡

黃芩

人參

甘草

當歸

白芍藥產後減芍藥加生地黃

大黃各等分

右為呔咀每服一兩水一鍾生姜三片同煎七分

去粗溫服不拘時候

小承氣湯

治傷寒日深恐有燥糞欲知之法少服小承氣湯腸中轉失氣者必有燥糞乃可攻之此和胃氣之藥也

枳實

厚朴

大黃各等分

右為呔咀每服半兩水一盞生姜三片同煎七分去粗不拘時候溫服

消滯丸

消酒進食寬中利膈

黑牽牛半斤炒取頭末四兩

香附子

五靈脂炒各二兩

右為細末醋糊為丸桐子大每服三十九食後生
姜湯送下

禹攻散

治一切水濕疝氣

黑牽牛末二兩

茴香炒半兩

右為細末每服五錢生姜湯調下臨臥服

羌活愈風湯

羌活

甘草

蔓荊子

防風

川芎

細辛

枳殼

人參

麻黃

薄荷

枸杞

當歸

知母

地骨皮

黃耆

獨活

杜仲

白芷

秦艽

柴胡

半夏

前胡

厚朴

熟地黃

防己各二兩

皂莢藥

黃芩各三兩

石膏四兩

蒼朮四兩

生地黃四兩

官桂二兩

白茯苓三兩

一方加

寄生

陳皮

白茯苓三兩

赤茯苓

藁本

青皮

天麻

牛膝

赤芍藥 桔梗 大黃

右各等分每服二兩水二鍾天陰加生姜三片同煎七分去粗溫服不拘時候如欲發汗加麻黃一倍如欲利加大黃一倍如虛風群藥二沸入常酒半鍾如寒濕之氣疼痛亦加酒半鍾空心食前一服臨臥一服風證早晨服寒濕氣臨臥服微汗為度

獨活寄生湯

治風寒濕痺

獨活_{二兩} 寄生 杜仲_{剉細炒} 牛膝_{酒浸半日}

秦艽 當歸 白芍藥 川芎

熟地黃 官桂 細辛 茯苓

防風 甘草 人參_{各二兩}

右為吹咀每服一兩半水二鍾生姜三片同煎七分去粗微熱服不拘時候

轉舌膏

治中風舌蹇不語

清劑加 菖蒲 遠志_{各少許}

右為細末煉蜜為丸如櫻桃大硃砂為衣每服三五丸用薄荷湯化開或食後或臨臥或食遠服

活命金丹

治中風神不清

清劑加

青黛

藍根各分

右為細末煉蜜為丸如彈子大硃砂為衣外加金箔每服一丸用茶清化開食後或臨臥服

小陷育湯

治傷寒心下滿痛名曰小結育

瓜蒌半枚帶子剉碎

生半夏三枚

黃連二錢

生姜三錢

右用水一大碗煎瓜蒌實取汁半碗後下餘藥再煎三四沸去粗溫服不拘時候

大陷育湯

治傷寒從心下至小腹堅滿硬痛名曰大結育

大黃

芒硝各半兩

生甘遂末少許

右用水一大碗先煎大黃甘遂次下芒硝取半碗分作二處先服一半以利為度未利再服非明了醫士未敢用此藥也

三黃瀉心湯

治心經熱

大黃

黃芩

黃連

各等分

右為吹咀每服三錢水一盞煎七分去粗食後溫

服

寧肺散

治一切寒嗽

罌粟殼不拘多甘草

乾姜

當歸

白礬 陳皮

右為細末每服三錢用烏梅三箇煎薑汁半盞臨

臥調服

如神丸

治一切癆病

代赭石二兩白礬半兩

右為細末用糯米粥為丸如桐子大每服三十九
用溫米飲湯食後送下

延壽丹

治一切筋攣骨痛寒濕之疾

草烏頭二兩炮裂蒼朮二兩小茴香炒三兩

右為細末酒打麵糊為丸每服三十九如桐子大
每服五十九如豌豆大用鹽酒空心下以乾物壓
之忌食熱物

清解散

治一切感冒

蒼朮炒二兩 荆芥二兩 甘草二兩 麻黃二兩半

右為呔咀每服一兩半水二鍾生姜三片葱白一莖同煎七分去粗微熱服以被蓋覆取汗為度不

拘時候

如意通聖散

治風濕走注疼痛

罌粟殼 丁香皮 麻黃 防風

當歸 川芎 甘草各等分

右為呔咀每服一兩半炒令黃色水二鍾煎七分去粗入研細乳香沒藥二味各少許再煎一沸微

熱服以被蓋覆取汗為度不拘時候

大橘皮湯

治一切濕熱腫滿小便赤澀大便泄瀉心腹痞悶

五苓 天水各半兩 木香 檳榔

陳皮各撮

右為呔咀水二鍾生姜三片同煎七分去粗溫服不拘時候

三化湯

治中風大便不通

小承氣二兩 羌活二錢

右為呔咀水二鍾生姜三片同煎七分去粗溫服不拘時候以利為度

玄青丸

治大人小兒一切痢疾

濕劑加

黃連

黃栢

青黛各五錢

右為細末滴水為丸如菘豆大每服十五丸溫水下在食前空心如治小兒丸如麻子大每服十九量歲用之

芍藥栢皮丸

治一切血痢

黃連

黃栢

當歸

白芍藥各等

右為細末麵糊為丸如桐子大每服百丸溫水食前送下

大金花丸

火劑不拘多少加 大黃

右為細末麵糊為丸如桐子大每服五十九溫水下食後或臨臥

搜風丸

治一切痰實

人參

白朮

白茯苓

南星

半夏

白礬各五錢薄荷

蛤粉

寒水石

藿香各三錢黃芩二兩

大黃

滑石

黑牽牛半兩取頭末四兩乾生姜四錢

右為細末滴水為丸如桐子大每服三十九食後
生姜湯下

琥珀散

治經水不調

穿山甲

灰火內炮五錢

當歸尾焙

蒲黃三錢

辰砂二分

八正散

右吹咀碾為細末每服三錢空心溫酒調下

治小便不通兼悶

瞿麥

扁蓄

木通

車前

山梔

大黃

甘草

滑石

各等分

右為吹咀每服一兩半水二鍾燈心三十莖同煎
七分去粗食前溫服

珍珠粉丸

治脫滑精氣

黃柏二兩

蛤粉二兩炒

右為細末麵糊為丸如桐子大每服百丸空心鹽
湯下

封髓還元丹

治脫滑精氣

黃柏^{二兩} 一砂仁 甘草各五錢

右為細末麵糊為丸每服五十九如桐子大每服百丸如菘豆大空心鹽湯下

瓜蒂散

治中風牙關緊急及風癩病之吐劑

瓜蒂 赤小豆各等分

右為細末每用半錢強壯人一錢用白湯調下不拘時候不吐者以薑汁半盞頓服以雞翎探之吐

不止者以麝香湯止之

便毒發腫

知母 貝母 黑牽牛 天花粉

川崙 葳靈仙

右水酒煎服

心印紺珠經終



